

經

柳文序

楚州刺史劉



八音與政通而文章與時高下三代之文
至戰國而病涉秦漢復起漢之文至列國
而病唐興復起夫政死而土裂三光五嶽
之氣分大音不完故必混一而後大振初
貞元中上方嚮文章召回之光下飾萬物

天下文士爭執所長與時而奮粲然如繁
星麗天而芒寒色正人望而敬者五行而
已河東柳子厚斯人望而敬者歟子厚始
以童子有奇名於貞元初至九年為名進
士十有九年為材御史二十有一年以文
章稱首入尚書為禮部員外郎是歲以疎
偶少檢獲誣出牧邵州又謫佐永州居十

年詔書徵不用遂為柳州刺史五歲不得
召歸病且革留書抵其友中山劉禹錫曰
我不幸卒以謫死以遺草累故人禹錫執
書以泣遂編次為四十五通行於世子厚
之喪昌黎韓退之誌其墓且以書來弔曰
哀哉若人之不淑吾嘗評其文雄深雅健
似司馬子長崔蔡不足多也安定皇甫湜

於文章少所推讓亦以退之言為然凡子
厚名氏與仕與年暨行已之大方有退之
之誌若祭文在今附于第一通之末云

柳文序 終

柳文目錄

卷之一

雅詩歌曲

獻平淮夷雅表

饒歌鼓吹曲 并序

貞符 并序

卷之二

賦

佩韋賦

牛賦

夔州刺史劉禹錫編

平淮夷雅二篇

畎民詩

瓶賦

解崇賦

懲各賦

閔生賦

夢歸賦

囚山賦

愈膏肓疾賦

卷之三

論

封建論

四維論

天爵論

守道論

時令論上下

斷刑論上下

辯侵伐論

六逆論

卷之四

議辯

晉文公問守原議

駁復讎議

相集封弟辯

辯列子

辯文子

論語辯二篇

辯鬼谷子

辯晏子春秋

辯亢倉子

辯鶡冠子

卷之五

碑

箕子碑

道州文宣王廟碑

柳州文宣王廟碑

終南山祠堂碑并序

太白山祠堂碑并序

碑陰文

湘源二妃廟碑

饒娥碑

南臺雲睢陽廟碑并序

卷之六

碑

曹溪大鑿禪師碑

南嶽彌陀和尚碑

岳州聖安寺無姓和尚碑

碑陰記

龍安海禪師碑

卷之七

碑銘

南嶽雲峯和尚碑

雲峯和尚塔銘附

南嶽般舟和尚第二碑

大明和尚碑

大明碑陰

卷之八

行狀

衡山中院律師塔銘附

段太尉逸事狀

柳常侍行狀

陳給事行狀

卷之九

表銘碣誄

相國房公德銘之陰 國子司業陽城遺愛碣

文通先生陸給事墓表

兵部郎中楊公墓碣 侍御史周公碣

衡州刺史呂公誄 戶部郎中魏公誌

永州刺史崔公誌
永安萬年裴令墓碣
永州刺史崔公權厝誌

卷之十

誌

安南都護張公誌 并序

邕州刺史李公誌 并序

貴州刺史鄧君誌 并序

桂管防禦副使呂公誌

嶺南經略副使馬君誌

柳州司馬孟公誌
連州司馬凌君權厝誌

嶺南鹽鐵院李侍御誌

卷之十一

誌
碣

大理評事裴君誌
大理評事柳君誌

秘書郎姜君誌
校書郎獨孤君碣

襄陽丞趙君誌
溫縣主簿韓君誌 并序

張先生誌
虞鳴鶴誌 并序

裴處士誌
覃季子誌

續萊澤尉崔君誌

卷之十二

墓表誌

先侍御史府君神道表

石背先友記

叔父殿中侍御史墓表

墓版文

弘農令府君石表辭

從弟宗直墓誌

卷之十三

墓誌

先夫人歸祔誌

伯祖妣李夫人墓誌

叔妣陸夫人遷祔誌

亡姑陳君夫人墓誌

亡姊崔君夫人墓誌蓋石文

亡姊裴君夫人墓誌

亡室弘農氏墓誌

下殤女子墓博銘

小姪女墓博銘

王侍郎母劉氏誌

薛君妻崔氏誌

韋夫人墳記

馬室女雷五葬誌

卷之十四

對

設漁者對智伯

愚溪對

對賀者

杜兼對

天對楚詞天問散入篇內

卷之十五

問答

晉問

答問

起廢答

卷之十六

說

天說

朝日說

禮說

說車

復吳子松說

觀八駿圖說

鵲說

捕蛇說

乘桴說

謫龍說

罷說

卷之十七

傳

宋清傳

童區寄傳

種樹郭橐駝傳

梓人傳

卷之十八

騷

李赤傳

曹文洽韋道安傳

蝥螻傳

乞巧文

斬曲几文

憎王孫文

辯伏神文

哀溺文

罵尸蟲文 并序

宥蝮蛇文 并序

逐異方文 并序

愬螭文

招海賈文

卷之十九

弔贊箴戒

弔荑弘文

弔屈原文

弔樂教文

伊尹五就桀贊

梁丘據贊

霹靂琴引贊

尊勝幢贊并序

龍馬圖贊

戒懼箴

憂箴

師友箴并序

敵戒

臨江之麋

黔之驢

永某氏之鼠

卷之二十

銘雜題

沛國漢原廟銘

劔門銘并序

塗山銘并序

壽州安豐縣孝門銘并序

武岡銘并序

井銘并序

舜禹之事

謗譽

咸宜

鞭賈

吏商

東海若

卷之二十一

題序

讀韓愈所著毛穎傳後題序

裴瑾崇豐二陵集禮後序

柳宗直西漢文類集序

楊評事文集後序

濮陽吳君文集序

王氏伯仲唱和詩序

卷之二十二

序

送楊凝郎中使還沐宋詩後序

送崔羣序

送邠寧獨孤書記序

同吳武陵送杜留後序

送范明府詩序

送辛南谷聯句詩序

送李判官序

送苑論詩序

送蕭鍊序

送班孝廉序

送獨孤申叔序

送豆盧膺南遊詩序

送趙大秀才序

卷之二十一

序

同吳武陵贈李睦州詩序

送南涪州量移澧州序

送薛存義之任序

送薛判官量移序

送李謂赴京師序

送嚴公貺下第歸興元觀省詩序

送元秀才下第東歸序

送辛殆庶下第遊南鄭序

送崔子符罷舉詩序

送蔡秀才下第歸覲序
送肅七下第求益友序
送辛生下第序略

卷之廿四

序

送從兄偁罷選歸江淮詩序

送從弟謀歸江陵序
送解序

送內弟盧遵遊桂州序
送表弟呂讓將仕進序

陪崔使君遊宴南池序
愚溪詩序

斐二十四秀才花下對酒唱和序

法華寺西亭夜飲賦詩序

序飲

序基

卷之二十五

序

凌助教蓬屋題詩序
送韓豐羣公詩序

送婁圖南秀才遊淮南將入道序

送易師楊君序
送徐從事北遊序

送詩人廖有方序
送元十八山人南遊序

送賈山人南遊序
送方及師序

送文暢上人登五臺遂遊河朔序

送巽上人赴中丞叔父召序

送僧浩初序
送元暲師序

送琛上人南遊序

送文郁師引

送玄舉歸幽泉寺序

送濟上人歸淮南觀省序

卷之二十六

記

監祭使壁記

四門助教壁記

武功縣丞廳壁記

盤屋縣新食堂記

諸使兼御史中丞壁記

館驛使壁記

嶺南節度使饗軍堂記

邠寧進奏院記

興州江運記

全義縣復北門記

卷之二十七

記

潭州楊中丞作東池戴氏堂記

桂州裴中丞作豈家洲亭記

邕州柳中丞作馬退山茅亭記

永州韋使君新堂記 永州崔中丞萬石亭記

零陵三亭記

卷之二十八

記

零陵郡復乳穴記

道州毀鼻亭神記

永州龍興寺息壤記

永州龍興寺東丘記

永州法華寺西亭記

永州龍興寺西軒記

柳州復大雲寺記
永州鐵爐志附

永州修淨土院記

卷之二十九

記

游黃溪記

始得西山宴游記

鈞鈿潭記

鈞鈿西小丘記

至小丘西小石潭記

袁家渴記

石渠記

石澗記

小石城山記

柳州東亭記

柳州山水近治可游者記

卷之三十

書

寄許京兆孟容書

與楊京兆憑書

與裴埴書

與蕭翰林俛書

與李翰林建書

與顧十郎書

卷之三十一

書

與韓愈論史官書

與史官韓愈致段太尉逸事書

與呂恭書

答劉禹錫天論書

與劉禹錫論易書

答元饒州論春秋書

答吳武陵論非國語書

與呂道州論非國語書

與友人論文書

卷之三十二

書

答元饒州論政理書 答崔饒州食石鐘乳書

答周君巢書 與李睦州論服氣書

卷之三十三

書

與楊誨之書 與楊誨之第二書

答沈起書 與王叅元書

卷之三十四

書

與太學諸生書 留陽城司業書

答韋中立書 答貢士元公瑾書

答嚴厚興論師道書 報袁君陳秀才避師名書

答韋珩示韓愈相推以文墨事書

答貢士廖有方論文書

答蕭纂求為師書 報崔黯秀才書

答吳秀才書 答杜温夫書

上門下李夷簡相公書

卷之三十五

啓

上廣州趙宗儒啓

謝西川武相公啓

謝襄陽李尚書啓

賀趙江陵宗儒啓

與邕州李中丞啓

謝李中丞啓

上湖南李中丞啓

上桂州李中丞啓

卷之三十六

啓

上權補闕温卷啓

上崔大卿啓

上裴晉公啓

上襄陽李涼公啓

上揚州李趙公啓

謝李趙公啓

上江陵趙相公啓

上嚴東川啓

上江陵嚴司空啓

上嶺南鄭相公啓

上李中丞啓

上桂州裴行立中丞啓

上河陽烏尚書啓

卷之三十七

表

禮部爲百官上尊號表二首

禮部賀冊尊號表

爲京兆府請復尊號表三首

爲耆老等請復尊號表二首

禮部爲文武百寮請聽政表三首

賀踐祚表

禮部賀永貞改元表

禮部賀太上皇誥宜令皇帝卽位表

禮部賀立皇太子表

禮部賀皇太子冊禮畢德音表

為王京兆賀皇帝即位禮畢表

代韋中丞賀元和大赦表

禮部賀冊太上皇后表

禮部賀太上皇后冊禮畢表

賀皇太子牋

御史臺賀嘉禾表

禮部賀嘉禾及芝草表

京兆府賀嘉瓜白兔連理棠樹等表

禮部賀甘露表

禮部賀白龍青蓮花合歡蓮子黃瓜表

禮部賀白鵠表

禮部賀嘉瓜表

為王京兆賀嘉蓮表

為王京兆賀雨表五首

卷之三十八

表

代裴中丞賀克東平赦表

柳州賀破東平表

代裴中丞賀分淄青為三道節度表

為韋侍郎賀除布衣實羣右拾遺表

為樊左丞讓官表

為王戶部薦李諒表

為王戶部陳情表

代裴中丞謝討賊表

為崔中丞請朝覲表

代柳公綽謝上表

代李愬襄州謝上表 代節使謝遷鎮表

為裴中丞舉人自代伐黃賊表

為劉同州謝上表 代裴行立謝移鎮表

代韋永州謝上表 謝除柳州刺史表

柳州謝上表 代廣南節使舉人自代表

奏薦從事表 代廣南節使謝出鎮表

為楊湖南謝設表 為武中丞謝賜櫻桃表

謝賜時服表 謝賜端午綾帛衣服表

卷之三十九

奏狀

為廣南鄭相公奏部內百姓產三男狀

為浙東薛中丞奏五色雲狀

為裴中丞奏管黃家賊事宜狀

代監察御史狀 為京兆府奏旱狀

為南承嗣請從軍狀 進農書狀

代人進鑿器狀 柳州舉人自代狀

上戶部狀 柳州上本府狀

為裴中丞伐黃賊轉牒

賀誅淄青李師道狀 賀平淄青後肆赦狀

賀分淄青為三道節度狀

代裴中丞上裴相賀破東平狀

為裴中丞乞討黃賊狀

為桂州崔中丞乞朝覲狀

為南承嗣乞兩河効用狀

柳州上中書門下舉人自代狀

為長安耆壽乞復尊號狀

為京畿父老乞復尊號狀

卷之四十

祭文

祭楊憑詹事文

祭穆質給事文

祭呂衡州温文

祭李中丞文

為韋京兆作祭杜河中文

為韋京兆作祭崔太常文

為李京兆作祭楊郎中文

為安南楊守節作祭張都護文

祭萬年裴令文

祭呂敬叔文

祭崔君敏文

祭段弘古文

祭李中明文

哭張後餘辭

楊氏子承之哀辭

并序

卷之四十一

祭文

舜廟祈晴文

雷塘禱雨文

祭蘇文

禡牙文

祭井文

祭門文

祭六伯母文

祭獨孤丈母文

祭從兄文

祭弟宗直文

祭姊夫崔簡文

又祭崔簡旅視文

祭崔氏外甥文

祭崔氏外甥女文

祭外甥崔駢文

卷之四十二

古今詩

同劉二十八院長寄澧州張使君八十韻

弘農公五十韻

酬韶州裴使君寄汀州呂八大使二十韻

酬婁秀才將之淮南且贈之作

酬婁秀才病中見寄

初秋夜坐贈吳武陵

晨詣超師院讀禪經

贈江華長老

酬吳上人以竹間自採新茶見贈

零陵贈李卿元侍御簡吳武陵

界圍巖水簾

古東門行

寄韋珩

奉和揚尚書追和故李中書夏日登北樓

揚尚書寄柳筆因獻長韻

南省轉牒欲具注國圖令盡通風俗遺事

與浩初上人同看山寄京華親故

再至界圍巖遂宿巖下

詔追赴都迴寄零陵親故
過衡山見新花開却寄弟

汨羅遇風

朗州竇員外寄劉員外見促仁走筆酬贈
至前驛却寄相送諸公

北還登漢陽北原題臨川驛

善謔驛和劉夢得酌淳于先生

詔赴都二月至灞上亭

李西川薦琴石

同劉二十八哭呂衡州兼寄江陵李元二侍御
奉酬楊侍郎送八叔拾遺戲贈南來諸賓二首

商山臨路孤松

與夢得分路

再上湘江

清水驛叢竹

長沙驛前南樓感昔與德公別

桂州北望秦驛手開竹徑釣磯待徐客州

登柳州城樓寄漳汀封連四州

柳州寄丈人周韶州 登岷山

得盧衡州書因以詩寄

答劉連州

嶺南江行

柳州峒氓

酬徐二中丞普寧郡內池館卽事

酬賈鵬山人郡內新栽松寓興見贈二首

種柳戲題

柳州二月榕葉盡落偶題

浩初上人見貽絕句欲登仙人山因以酬之

雨中贈仙人山賈山人

別舍弟宗一

奉和周二十二丈酬郴州侍郎

衡江得韶州書并附當州黃茶率然成篇

殷賢戲批書後寄劉連州并示孟崙二童

銅魚使赴都寄親友

韓漳州書報澈上人亡因寄二絕

酬家雞之贈

重贈二首

答前篇

答後篇

豐前

豐後

柳州城西種甘樹

聞澈上人亡寄楊侍郎

段秀才處見亡友呂衡州書迹

柳州寄京中親故

再授連州至衡陽酬贈別

重別夢得

答

三贈劉員外

答

種木樨花

摘櫻桃贈元居士

酬曹侍御過象縣見寄

卷之四十三

古今詩

法華寺石門三十韻 游朝陽巖二十韻

湘口館瀟湘二水所會

登蒲洲石磯望江口潭島深迥對香零山

南澗中題 遊石角過小嶺至長烏村

與崔策登西山 構法華寺西亭

夏夜苦熱登西樓 覺衰

遊南亭夜還七十韻 韋道安

哭連州凌負外司馬 旦携謝山人至愚池

獨覺 首春逢耕者

溪居 夏祈雨後尋愚溪

入黃溪間猿

韋使君黃溪祈雨見召從行至祠下口號

郊居歲暮 秋曉行南谷經荒村

雨後曉行獨至北池 中夜起望西園值月上

零陵春望 從崔中丞過盧少府

夏晝偶作 雨晴至江渡

江雪 冉溪

法華寺西亭夜飲 戲題石門長老東軒

茆簷下始栽竹 種仙靈毗

種木 種白蕢荷

新植海石榴 戲題堦前芍藥

始見白髮題海石榴 植靈壽木

自衡陽移桂植零陵 湘岸移木芙蓉植龍興

早梅 南中榮橘柚

紅蕉 巽公院五詠

梅雨 零陵早春

田家 行路難

聞籍田有感 跋烏詞

籠鷹詞 放鷓鴣詞

龜背戲 聞黃鸝

渾鴻臚宅聞歌効白紵

楊白花 漁翁

飲酒 讀書

感遇 詠史

詠三良 詠荆軻

掩役夫張進骸 省試觀慶雲圖

春懷故園

別集上

非國語上三十一篇

別集下

非國語下三十六篇

外集上

披沙揀金賦 迎長日賦

記里鼓賦 吾子

劉叟傳

河間傳

筆郭師墓誌

趙羣秀才墓誌

太府寺李卿外婦馬淑誌

外集下

百官請復尊號表六首

大會議聽改表二首 賀平李懷光表

舉裴冕表 謝賜新茶表

賀破東平表 賀赦表

賀太子牋 賀裴桂州啓

與衛淮南石琴薦啓 答鄭員外賀啓

諸州賀啓

附錄

天論三篇

劉禹錫

唐書本傳

宋祁

祭柳柳州文

皇甫湜

祭柳員外文

劉禹錫

重祭柳員外文

劉禹錫

為鄂州李夫人祭柳員外文

劉禹錫

祭柳侯文

曹輔

祭柳侯文

黃翰

祭柳侯文

許筭

永州柳先生祠堂記

汪藻

舊本柳文後序

穆脩

四明新本柳文後序

沈晦

柳州舊本柳文後序

李禔

柳文年譜後序

文安禮

後錄

柳子厚墓誌銘

韓愈

祭柳子厚文

韓愈

柳州羅池廟碑

韓愈

後序

柳文目錄終

柳文卷之一

唐雅

獻平淮夷雅表

臣宗元言臣負罪竄伏違尚書成奏十有四年聖恩寬宥
 命守遐壤懷印曳綬有社有人臣宗元誠感誠荷頓首頓
 首伏惟睿聖文武皇帝陛下天造神斷克清大憝金鼓一
 動萬方畢臣太平之功中世仲興之德推校千古無所與
 讓因伏自忖度有方剛之力不得備戎行致死命況今已
 無事思報國恩獨惟文章伏見周宣王時稱中興其道彰
 大下後罕及然徵於詩大小雅其選徒出狩則車攻吉日
 命官分土則於高韓奕烝人南征北伐則六月采芑平淮

夷則江漢常武鏗錡炳耀邊人耳目故宣王之形容與其
輔佐由今望之若神人然此無他以雅故也臣伏見陛下
自卽位以來平夏州夷劔南取江東定河北今又發自天
衷克翦淮右而大雅不作臣誠不佞然不勝憤踊伏以朝
多文臣不敢盡專數事謹撰平淮夷雅二篇雖不及尹吉
甫召穆公等庶施諸後代有以佐唐之光明謹昧死再拜
以獻臣宗元誠恐誠懼頓首頓首謹言

平淮夷雅二篇

皇武命丞相度董師集大功也○皇者其武于激于淮旣
巾乃車環蔡其來狡衆昏囂甚毒于醒狂奔叫呶以干大
刑○皇吝于度惟汝一德曠誅四紀其後汝克錫汝斧鉞

其往視師師是蔡人以宥以釐○度拜稽首廟于元龜旣

禡莫駕切旣類于社是宜金節煌煌錫盾雕文犀甲熊旂威

命是荷○度拜稽首出次于東天子餞之罍罍是崇鼎臚

殲朱奴切殲奴裁切五獻百籩凡百卿士班以周旋○旣涉

于澹乃翼乃前孰圖厥猶其佐多賢宛宛周道于山于川

遠揚邇昭陟降連連○我旆我旂于道于陌訓于羣帥拳

勇來格公曰徐之無恃額額式和爾容惟義之宅○進次

于郟彼昏卒狂哀兇鞠頑鋒蝟斧蟜赤子匍匐厥父是亢

下卽怒其萌芽以悖太陽○王旅渾渾是佚是怙旣獲敢

師若饑得餉音步蔡兇伊窘悉起來聚左擣其虛靡愆厥慮

○載闢載被丞相是臨弛其武刑諭我德心其危旣安有

長如林曾是謹誥化爲謳吟。○皇曰來歸汝復相予爵之
成國胙以夏墟度拜稽首天子聖神度拜稽首皇祐下人
○淮夷旣平震是朔南宜廟宜郊以告德音歸牛休馬豐
稼于野我武惟皇永保無疆

皇武十有一章章八句

方城命愬守也卒入蔡得其大醜以平淮右。○方城臨臨
王卒峙之匪徼匪競皇有正命皇命于愬往舒余仁蹕蒲
切彼艱頑柔惠是馴。○愬拜卽命于皇之訓旣殲旣攻以
後厥刃王師疑疑能龍是式銜勇韜力日思予極。○寇昏
以狂敢蹈愬疆士獲厥心太祖高鑾長戟酋矛繁其綬章
右剪左屠聿禽其良。○其良旣有告以父母恩柔于肌革

貢爾有維彼收恃乃偵乃誘維彼攸宅乃發乃守。○其恃
爰獲我功我多陰謀厥圖以究爾訛雨雪洋洋大風來加
于燠其寒于邇其遐。○汝陰之茫懸瓠之岬是震是拔大
殲厥家狡虜旣縻輸于國都示之市人卽社行誅。○乃諭
乃止蔡有厚喜完其室家仰父俯子汝水云云旣清而瀾
蔡人行歌我步逶遲。○蔡人歌矣蔡風和矣孰類蔡初胡
甦坵例爾居式慕以康爲愿有餘是究是咨皇德旣舒。○
皇曰咨朔裕乃父功昔我文祖惟西平是庸內誨于家外
刑于邦孰是蔡人而不率從。○蔡人率止惟西平有子西
平有子惟我有臣疇尤大邦俾惠我人于廟告功以顧萬方
方城十有一章章八句

唐鑊歌鼓吹曲十二篇

并序

負罪臣宗元言臣幸以罪居永州受食府廩竊活性命得
視息無治時事恐懼小閒又盜取古書文句聊以自娛伏
觀漢魏以來代有鑊歌鼓吹詞唯唐獨無有臣為郎時以
太常聯禮部嘗聞鼓吹署有戎樂詞獨不列今又考漢曲
十二篇魏曲十四篇晉曲十六篇漢歌詞不明紀功德魏
晉歌功德具今臣竊取魏晉義用漢篇數為唐鑊歌鼓吹
曲十二篇紀高祖太宗功能之神奇因以知取天下之勤
勞命將用師之艱難每有戎事治兵振旅幸歌臣詞以為
容且得大戒宜敬而不害臣淪棄即死言與不言其罪等
耳猶冀能言有益國事不敢效怨對默已謹冒死上

隋亂既極唐師起晉陽平姦豪為生人義主以仁興

武為晉陽武第一

晉陽武奮義威煬之渝德焉歸氓畢屠綬者誰皇烈烈尊
天機號以仁揚其旗日之昇九土晞訴田垌流洪輝有其
二翼餘隋斯側略梟鷲連熊螭丑知枯以肉勅者靡后土
蕩玄穹彌合之育莽然施惟德輔慶無期

右晉陽武二十六句

唐既受命李密自敗來歸以開黎陽斥東土為獸之

窮第二

獸之窮奔大麓天厚黃德徂獲服甲之橐弓弭矢箠皇旌
靖敵逾處自亡其徒匪子戮屈贊疑與暴同猛虔慄慄縻以尺

組噉以秩黎之陽土茫茫富兵戎盈倉箱之者德莫能享
驅豺兕授我疆

右獸之第二十二句

太宗師討王充建德助逆師奮擊武牢下擒之遂降
充爲戰武牢第三

戰武牢動河朔逆之助圖犄角怒鸞麝抗喬嶽翹萌芽傲
霜電王謀內定中掌握鋪施艾夷二主縛憚華戎廓封略
命之曹塢五甲以斷歸有德唯先覺

右戰武牢十八句

薛舉據涇以死子仁杲尤勇以暴師平之爲涇水黃
第四

涇水黃隴野茫負太白騰天很有鳥驚立羽翼張鉤咬決
前鉅趨音傍怒飛饑嘯音不可當老雄死子復良巢岐
飲渭肆翺翺頓地紘提天網列缺掉幟招搖耀錯鬼神來
助夢嘉祥腦塗原野魄飛揚星辰復恢一方

右涇水黃二十四句

輔氏憑江淮竟東海命將平之爲奔鯨沛第五

奔鯨沛蕩海垠吐霓翳日腥洋雲帝怒下顧哀墊昏授以
神柄推元臣手援天矛截脩鱗披攘蒙霧城賦開海門地
平水靜浮天根羲和顯耀乘清氛赫炎溥暢融大鈞

右奔鯨沛十八句

梁之餘保荆衡巴巫窮南越良將取之不以師爲苞

栢牙葛牙栢結二切第六

苞栢黜音矣惟根之蟠彌巴蔽荆負南極以安曰音我焉
梁氏緝綏艱難江漢之阻都邑固以完聖人作神武用有
臣勇智奮不以衆投跡死地謀猷縱化敵為家慮則中音
浩浩海裔不威而同係縲降王定厥功澶漫萬里宣唐風
蠻夷九譯咸來從凱還金奏象形容震赫萬國罔不龔

右苞栢二十八句

李執保河右師臨之不克變或執以降為河右平第七
河右澶漫頑為之魁王師如雷震崑崙以頽上龔下聰音
不可迴助雖抗有德惟人之災乃潰乃奮執縛歸厥命萬
室蒙其仁一夫則病濡以鴻澤皇之聖威畏德懷功以定

順之于理物咸遂厥性

右河右平十八句

突厥之大古夷狄莫強焉師大破之降其國告于廟

為鐵山碎第八

鐵山碎大漠舒二虜勁連穹廬背北海專坤隅歲來侵邊
或傳音于都天子命元帥奮其雄圖破定襄降魁渠窮竟
窟宅斥余吾百蠻破膽邊氓蘇威武輝耀明鬼區利澤彌
萬祀功不可踰官臣拜手惟帝之暮

右鐵山碎二十二句

劉武周敗裴叔咸有晉地太宗滅之為靖本邦第九
本邦伊晉惟時不靖根柢之搖枝葉攸病守臣不任勸音

聖惟錢之興翦焉則定洪惟我理式和以敬羣頑既夷
原結咸正皇暮載大惟人之慶

右靖本邦十四句

李靖滅吐谷渾西海上爲吐谷渾第十

吐谷渾盛強背西海以夸歲侵擾我疆退匿險且遐帝謂
神武師往征靖皇家烈烈旆其旗熊虎雜龍蛇王旅千萬
人銜枚默無譁東力踰山徼張翊縱漠沙一舉刈羶腥尸
骸積如麻除惡務本根况敢遺萌芽洋洋西海水威命窮
天涯係虜來王都犒樂窮休嘉登高望還師竟野如春華
行者靡不歸親戚謹要遮凱旋獻清廟萬國思無邪

右吐谷渾二十六句

李靖滅高昌爲高昌第十一

麴氏雄西北別絕臣外區旣恃遠且險縱傲不我虞烈烈
王者師熊螭以爲徒龍旂翻海浪驛騎馳坤隅實育搏嬰
兒一掃不復餘平沙際天極但見黃雲驅臣靖執長纆智
勇伏囚拘文皇南面坐夷狄千羣趨咸稱天子神往占不
得俱獻號天可汗以覆我國都兵戍不交害各保性與驅

右高昌二十二句

旣克東蠻羣臣請圖蠻夷狀如周書王會爲東蠻第

十二

東蠻有謝氏冠帶理海中自言我異世雖聖莫能通王卒
如飛翰鵬騫駭羣龍轟然自天墜乃信神武功繫虜君臣

人累累來自東無思不服從唐業如山崇百辟拜稽首咸
願圖形容如周王會書永永傳無窮睇眴萬狀垂伊盟紀
功九譯重廣輪撫四海浩浩知皇風歌詩鐃鼓間以壯我
元戎

右東蠻二十二句

眎民詩

帝眎民情匪幽匪明慘或在腹已如色聲亦無動威亦無
止力弗動弗止惟民之極帝懷民眎乃降明德乃生明翼
明翼者何乃房乃杜惟房與杜實爲民路迺定天子迺開
萬國萬國旣分迺釋靈民迺學與仕迺播與食迺器與用
迺貨與通有作有遷無遷無作上實湯湯農實董董工實

蒙蒙實實融融左右惟一出入惟同攝儀以引以遵以肆
音其風旣流品物載休品物載休惟天子守乃二公之乂
惟天子明乃二公之成惟百辟正乃二公之令惟百辟穀
乃二公之祿二公行矣弗敢憂縱是獲憂共二公居矣弗
敢泰止是獲泰已旣柔一德四夷是則四夷是則永懷不
忒

貞符 并序

負罪臣宗元惶恐言臣所貶州流人吳武陵爲臣言董仲
舒對二代受命之符誠然非耶臣曰非也何獨仲舒爾自
司馬相如劉向揚雄班彪彪子固皆公襲咄咄推古瑞物
以配受命其言類淫巫瞽史誑亂後代不足以知聖人立

實受命之符以奠永祀後之妖淫嚚昏好怪之徒乃始陳
大電大虹玄鳥巨跡白狼白魚流火之鳥以爲符斯皆詭
譎闊誕其可羞也而莫知本于厥貞漢用天度克懷于有
氓登能庸賢濯瘼煦寒以瘳以熙茲其爲符也而其妄臣
乃下取虺蛇上引天光推類號休用夸誣於無知氓增以
騶虞神鼎子勇史音俾東之泰山石閭作大號謂
之封禪皆尚書所無有恭述承效卒奮驚逆其後有賢帝
曰光武克綏天下復承舊物循崇亦伏以玷厥德魏晉而
下尤亂鉤裂厥符不貞邦用不靖亦固克久駁乎無以議
爲也積大亂至于隋氏環四海以爲鼎跨九垓以爲鋪
以毒燎煽以虐燄其人沸湧灼爛號呼騰蹈莫有救止於

是大聖乃起不降霖雨濬滌盪沃蒸爲清氣疏爲冷風人
乃溲音然休然相睇以生相持以成相彌以寧琢斯屠剔
膏流節離之禍不作而人乃克完平舒愉尸其肌膚以達
于夷途焚圻抵擠奔走轉死之害不起而人乃克鳩類集
族歌舞悅懌用祗于元德徒奮祖呼犒迎義旅謹動六合
至于靡下大盜豪據阻命遏德義威殄戮威墜厥緒無劉
于虐人乃並受休嘉去隋氏克歸于唐躑躅謳歌灑灑和
寧帝庸威栗惟人之爲去聲敬奠歆賦積藏于下是謂豐國
鄉爲義廩斂發謹飭歲丁大侵人以有年簡于厥刑不殘
而懲是謂嚴威小屬而支大生而孥愷悌祇敬用底于治
凡其所欲不謁而獲凡其所惡不折而息四夷稽服不作

兵革不竭貨力不揚于後嗣用垂于帝式十聖濟厥治孝
仁平寬惟祖之則澤久而逾深仁增而益高人之戴唐永
永無窮是故受命不于天于其人休符不于祥于其仁惟
人之仁匪祥于天匪祥于天茲惟貞符哉未有喪仁而久
者也未有恃祥而壽者也商之王以桑穀昌以雉雒大宋
之君以法星壽鄭以龍衰魯以麟弱白雉亡漢黃犀死莽
惡在其爲符也不勝唐德之代光紹明濬深鴻厖大保人
斯無疆宜薦于郊廟文之雅詩祇告于德之休帝曰謀哉
乃黜休祥之奏究貞符之奧思德之所未大求仁之所未
備以極于邦治以敬于人事其詩曰
於穆敬德黎人皇之惟貞厥符浩浩將之仁函于膚刃莫

畢屠澤燭于興同炎以澣殄厥凶德乃既乃夷懿其休
風是响是吹父子熙熙相寧以嬉賦徹而藏厚我糗糧刑
輕以清我完靡傷貽我子孫百代是康十聖嗣于治仁后
之子子思孝父易患于已拱之戴之神具爾宜載揚于雅
承天之嘏音天之誠神宜鑒于仁神之曷依宜仁之歸濮
沿于北祝栗于南幅員西東抵一乃心祝唐之紀後天罔
墜祝皇之壽與地咸久曷徒祝之心誠篤之神協人同道
以告之俾爾億萬年不震不危我代之延永永毗之仁增
以崇曷不爾思有號于天僉曰嗚呼咨爾皇靈無替厥符

柳文卷之二

柳文卷之二

古賦

佩韋賦

柳子讀古書觀直道守節者則壯之蓋有激也恒懼過而失中庸之義慕西門氏佩韋以戒故作是賦其辭曰

邈予生此下都兮塊天質之慤醇日月迭而化升兮寤造初而在神雕大素而生華兮汨末流以喪真晞往躅而周章兮懜倚伏其無垠世既奪予之大和兮眷授予以經常循聖人之通途兮鬱縱臆而不揚猶悉力而究陳兮獲貞則于典章嫉時以奮節兮憫已以抑志登高丘而垂目兮瞰中區之疆理橫萬里而極海兮頽風浩其四起恟驚怛



而躑躅兮惡浮詐之相詭思貢忠于明后兮振教道乎遐
軌紛吾守此狂狷兮懼執競而不柔探先哲之奧謨兮攀
往列之洪休曰沈潛而剛克兮固謹人之嘉猷嗟行行而
躑躅兮信往古之所仇彼穹壤之廓殊兮寒與暑而交修
執中而俟命兮固仁聖之善謀吾祖士師之直道兮亦愀
然於伐國尼父戮齊而誅卯兮本柔仁以作極蘭竦顏以
誚秦兮入降庶猶臣僕吉優繇而布和兮殘萑蒲以屏匿
劇居衛拔刃於霸侯兮退劔止弓而畏服寬與猛其相
濟兮孰不頌茲之盛德克明哲而保躬兮恢大雅之所勗
陽宅身以執剛兮卒易帥而蒙辜羽復心以鑿音志兮首
身離而不懲雲岳岳而專強兮果黜志而乖圖咸觸屏以

拒訓兮肆殞越而就陵冶訐諫于昏朝兮名崩弛而陷誅
苟縱直而不羈兮乃變罹而禍仍歷九折而直奔兮固摧
轅而失途遵大路而曲轍兮又求達而不能厲守柔以允
塞兮抵暴梁而壞節家撫譙而溫美兮魯子公而喪哲義
師仁而惡狠兮遂潰騰而滅裂斯委懦以從邪兮悼上蔡
其何補徐偃柔以屏義兮終邦離而身虜柔弘和而却武
兮渙宗覆而國舉設任柔而自處兮蒙大戮而不悟故曰
純柔純弱兮必削必薄純剛純強兮必喪必亡韜義于中
服和于躬和以義宣剛以柔通守而不遷兮變而無窮交
得其宜兮乃獲其終姑佩茲韋兮考古齊同亂曰韋之申
申佩于躬兮本正生和探厥中兮哲人交修樂有終兮庶

寡其過追古風兮

瓶賦

昔有智人善學鴟夷鴟夷蒙鴻二字並壘壘音相追諂誘
吉士喜悅依隨開喙倒腹斟酌更持味不苦口昏至莫知
頽然縱傲與亂為期視白成黑顛倒妍媸已雖自售人或
以危敗眾亡國流連不歸誰主斯罪鴟夷之為不如為瓶
居井之眉鈞深挹潔淡泊是師和齊五味寧除渴饑不甘
不壞久而莫遺清白可鑒終不媚私利澤廣大孰能去之
綆絕身破何足怨咨功成事遂復于土泥歸根反初無慮
無思何必巧曲邀覬一時子無我愚我智如斯

牛賦

若知牛乎牛之為物魁形巨首垂耳抱角毛革踈厚羊然
而鳴黃鍾滿脰抵觸隆曦日耕百畝往來脩直植乃不忝
自種自斂服箱以走輸入官倉已不適口富躬飽饑功用
不有陷泥蹙塊常在草野人不慚愧利滿天下皮角見用
肩尻帶刀莫保或穿絨滕或實俎豆由是觀之物無論者
不如羸驢服逐駕馬曲意隨勢不擇處所不耕不稼藿藟
自與騰踏康莊出入輕舉喜則齊鼻怒則奮蹄當道長鳴
聞者驚辟善識門戶終身不惕牛雖有功於已何益命有
好醜非若能力慎勿怨尤以受多福

解崇賦

并序

柳子既謫猶懼不勝其口筮以玄遇于之八其贊曰赤舌

燒城吐水于瓶其測曰君子解崇也喜而為之賦

胡赫炎薰焫之烈火兮而生夫人之齒牙上殫飛而莫遁

旁窮走而逾加九泉焦枯而四海滲涸兮紛揮霍而要遮

風雷唬唬以為囊齋兮回祿煽怒而喊呀吡咆昆堪輿為

顛女窶窶欽兮熱雲漢而成霞鄧林大椿不足以充於燎兮

倒扶桑落棠膠轕而相义膏搖脣而增熾兮焰掉舌而彌

葩沃無瓶兮撲無簪金流玉鑠兮曾不自比於塵沙獨淒

已而燠物愈騰沸而散在交可客牙吾懼夫灼爛灰滅之

為禍往搜乎太玄之奧訟眾正訴羣邪曰去爾中躁與外

撓姑務清為室而靜為家苟能是則始也汝邇今也汝遠

涼汝者進烈汝者賒譬之猶豁天淵而覆原燎夫何足

之紛拏今汝不知清已之慮而惡人之譁不知靜之為勝

而動焉是嘉徒遑遑乎狂奔而西徯盛氣而長嗟不亦遠

乎於是釋然自得以冷風濯熱以清源滌瑕履仁之實去

盜之夸冠太清之玄冕佩至道之瑤華鋪冲虛以為席駕

恬泊以為車瀏乎以遊於萬物者始彼徂雌條施而以崇

為利者夫何為邪

懲咎賦

懲咎愆以本始兮孰非余心之所求處卑汙以閔世兮固

前志之為尤始予學而觀古今惟今昔之異謀惟聰明為

可考兮追駿步而遐遊潔誠之既信直兮仁友藹而萃之

日施陳以繫縻兮邀堯舜與之為師上睢盱而混茫兮下

駁詭而懷私旁羅列以交貫兮求大中之所宜曰道有象
兮而無其形推變乘時兮與志相迎不及則殆兮過則失
貞謹守而中兮與時偕行萬類芸芸兮率由以寧剛柔弛
張兮出入綸經登能抑枉兮白黑濁清蹈乎大方兮物莫
能嬰奉訐謨以植內兮欣余志之有獲再徵信乎策書兮
謂炯然而不惑愚者果於自用兮惟懼夫誠之不一不顧
慮以周圖兮專茲道以爲服讒妬構而不戒兮猶斷斷於
所執哀吾黨之不淑兮遭任遇之卒迫勢危疑而多詐兮
逢天地之否隔欲圖退而保已兮悼乖期乎曩昔欲操術
以致忠兮衆呀然而互嚇進與退吾無歸兮其脂潤乎鼎
鑊幸皇鑒之明宥兮曩郡印而南適惟罪大而龍息兮宜

夫重仍乎禍譎既明懼乎天討兮又幽慄乎鬼責惶惶乎
夜寤而書駭兮類磨劫劫磨磨之不息凌洞庭之洋洋兮
汧湘流之云云飄風擊以揚波兮舟摧抑而廻遭日霾噎
黯以昧幽兮黝雲涌而上屯暮屑翠翫翫翫以淫雨兮聽噉
噉之哀猿衆鳥萃而啾號兮沸洲渚以連山漂遙逐其詎
止兮逝莫屬余之形蒐攢戀奔以紆委兮束洶湧之崩沛
畔尺進而尋退兮盪汨汨乎淪漣際窮冬而止居兮羈繫
焚以縈纏哀吾生之孔艱兮循凱風之悲詩罪通天而降
酷兮不亟死而生爲逾再歲之寒暑兮猶貿貿而自持將
沉淵而隕命兮詎蔽罪以塞禍惟滅身而無後兮顧前志
猶未可進路呀以劃絕兮退伏匿又不果爲孤囚以終世

兮長拘孿而輒軻曩余志之脩騫兮今何爲此戾也夫豈
貪食而盜名兮不混同於世也將顯身以直遂兮衆之所
宜蔽也不擇言以危肆兮固羣禍之際也御長轅之無撓
兮行九折之峩峩却驚棹以橫江兮泝凌天之騰波幸余
死之已緩兮完形驅之既多苟餘齒之有懲兮蹈前烈而
不頗死蠻夷固吾所兮雖顯寵其焉加配大中以爲偶兮
諒天命之謂何

閔生賦

閔吾主之險阨兮紛喪志以逢尤氣沈鬱以杳眇兮涕浪
浪而常流膏液竭而枯居兮魄離散而遠遊言不信而莫
余白兮雖遑遑欲焉求兮喙而隱志兮幽默以待靜爲與

世而斥謫兮固離披以顛隕騏驥之棄辱兮鴛鴦以爲騶
玄虬蹶泥兮長避畫毘行不容之崢嶸兮質魁壘而無所
隱鱗介槁以橫陸兮鴟嘯羣而厲吻心沈抑以不舒兮形
低摧而自敗肆余目於湘流兮望九疑之垠垠波滂溢以
不返兮蒼梧鬱其蜚雲重華幽而野死兮世莫得其僞真
屈子之悵微兮抗危辭以赴淵古固有此極憤兮矧吾生
之貌艱列往則以考已兮指斗極以自陳登高臨而企踵
兮瞻故邦之殷麟山水浩以蔽虧兮路蒼勃以揚氛空虛
頽而不理兮翳丘木之榛榛塊窮老以淪放兮匪魑魅吾
誰隣仲尼之不惑兮有垂訓之暮言孟軻四十乃始持心
兮猶希勇乎鞫貫顧余質愚而齒減兮宜觸禍以貼音身

知徙善而革非兮又何懼乎今之人噫禹績之勤備兮曾
莫理夫茲川殷周之廓大兮南不盡夫衡山余囚楚越之
交極兮邈離絕乎中原壤汙潑以墳如兮蒸沸熱而恒昏
戲鳥鶴乎中庭兮兼葭生於堂筵惟虺蓄形於木杪兮矧
孤伺景於深淵仰矜危而俯慄兮弭日夜之拳攣慮吾生
之莫保兮泰代德之元醇孰眇軀之敢愛兮竊有繼乎古
先明神之不欺余兮庶激烈而有聞冀後害之無辱兮匪
徒蓋乎曩愆

大夢歸賦

擯斥以窘束兮余惟夢之爲歸精氣注以凝沍兮循舊
鄉而顧懷夕余寐于荒陬兮心慊慊而莫違質兮解以自

恣兮息暗翳而愈微歛騰湧而上浮兮俄混濛之無依圓
方混而不形兮顛醜白之罪罪上茫茫而無星辰兮下不
見夫水陸若有鈇立余以徃路兮馭擬擬以回復浮雲縱
以直度兮云濟余乎西北風纏所纏以經耳兮類行舟
迅而不息洞然于以瀰漫兮虹蜺羅列而傾側橫衝以
邊擊兮忽中斷而迷惑靈幽漠以滌反汨楚城筆兮進怙
悵而不得白日觀其中出兮陰霾披離以泮釋施岳瀆以
定位兮平御互參差之白黑忽崩騫上下兮聊按行而自
抑指故都以委墜兮瞰鄉閭之脩直原田蕪穢兮崢嶸榛
棘喬木摧解兮坦廬不飾山嶠嶠以崑立兮水汨汨以漂
激魂恍惘若有亡兮涕注浪以隕軼類曠黃之黥漠兮欲

周流而無所極紛若喜而怡城吏儼音兮心回互以壅塞
鍾鼓音以戒且兮陶去幽而開寤音兮蒙其復體兮孰
云桎梏之不固精神之不可再兮余無蹈夫歸路俾仲尼
之聖德兮謂九夷之可居惟道大而無所入兮猶流游乎
曠野老聃遁而適戎兮拍淳茫以縱步蒙莊之恢恠兮寓
大鵬之遠去苟遠適之若茲兮胡為故國之為慕首去声丘
之仁類兮斯君子之所與鳥獸之鳴號兮有動心而由顧
膠余秉之莫能捨兮雖判折而不悟列茲夢以三復兮極
明昏而告愬

囚山賦

楚越之郊環萬山兮勢騰踊夫波濤紛對迴合仰伏以離
迥兮若重墉之相褻爭生角逐上軼旁出兮止下圻裂而
為塚欣下頽以就順兮曾不畝平而又高沓雲雨而清厚
土兮蒸鬱勃其腥臊陽不舒以擁隔兮羣陰汙與而為
曹側耕危穫苟以食兮哀斯民之增勞積林麓以為叢棘
兮虎豹咆嘯代狴牢之吠嗥予胡并咎九以管視兮窮
坎險其焉逃顧幽昧之罪加兮雖聖猶病夫嗷嗷匪兕吾
為桀兮匪豕吾為牢積十年莫吾省者兮增蔽吾以蓬蒿
聖日以理兮賢日以進誰使吾山之囚吾兮滔滔

愈膏盲疾賦

景公夢疾膏盲音尚謂虛假命秦緩以候問遂伏身于堂
下公曰吾今形體不衰筋力未寡子言其有疾者何也秦

緩乃窮神極思曰夫上醫燦未萌之兆中醫攻有兆之者
目定死生心存取舍亦猶下和獻含璞之璧伯樂相有孕
之馬然臣之遇疾如泥之處延疾之遇臣如金之在冶雖
九竅未擁四支且安膚腠管胃外強中乾精氣內傷神沮
脉殫以熱益熱以寒益寒針灸不達誠死之端巫新麥以
爲識果不得其所餐公曰固知天賦性命如彼暄寒短不
足悲脩不足歡哂彼醫兮徒精厥術如何爲之可觀醫乃
勃然變色攘袂而起子無讓我也謂於子我之技也如石
投水如弦激矢視生則生視死則死膏肓之疾不救衰亡
之國不理巨川將潰非捧土之能塞大厦將崩非一木之
能止斯言足以喻天子今察乎孰是爰有忠臣聞之憤怨

忘寢廢食

音探

感歎生死浩浩天地漫漫綏之則

壽撓之則散善養命者鮐背鶴髮成童兒善輔弼者股辛

夏桀爲周漢非藥島以愈疾非兵胡以定亂喪亡之國在

賢哲之所扶匡而忠義之心豈膏肓之所羈絆余能理亡

國之利弊愈膏肓之患難君謂之何以醫曰夫八紘之外

六合之中始自生靈及乎昆蟲神安則有神喪則終亦猶

道之紊也患出於邪佞身之憊也疾生於火風彼膏肓之

與顛覆匪藥石而能攻者哉因此而言曰予今變禍爲福

易曲成直寧關天命在我人力以忠孝爲干櫓以信義爲

封殖拯厥兆庶綏乎社稷一言而熒惑退舍一揮而義和

匪吳桑穀生庭而自滅野雉雠鼎而自息誠天地之無親

曷膏肓之能極醫者遂口噤心醉踟歛茫然投棄針石匍匐而前吾謂治國在天子謂治國在賢吾謂命不可續予謂命將可延詎知國不足理疾不足痊佐荒淫爲聖主保大壽而長年皆正直之是與庶將來之勉旃

柳文卷之二終

柳文卷之三

論

封建論

天地果無初乎吾不得而知之也生人果有初乎吾不得而知之也然則孰爲近曰有初爲近孰明之由封建而明之也彼封建者更古聖王堯舜禹湯文武而莫能去之蓋非不欲去之也勢不可也勢之來其生人之初乎不初無以有封建封建非聖人意也彼其初與萬物皆生草木榛榛鹿豕狉狉人不能搏噬而且無毛羽莫克自奉自衛苟卿有言必將假物以爲用者也夫假物者必爭爭而不已必就其能斷曲直者而聽命焉其智而明者所伏必衆告

之以直而不改必痛之而後畏由是君長刑政生焉故近者聚而爲羣羣之分其爭必大大而後有兵有德又有大者衆羣之長又就而聽命焉以安其屬於是諸侯之列則其爭又有大者焉德又大者諸侯之列又就而聽命焉以安其封於是方伯連帥之類則其爭又有大者焉德又大者方伯連帥之類又就而聽命以安其人然後天下會於一是故有里胥而後有縣大夫有縣大夫而後有諸侯有諸侯而後有方伯連帥有方伯連帥而後有天子自天子至於里胥其德在人者死必求其嗣而奉之故封建非聖人意也勢也夫堯舜禹湯之事遠矣及有周而甚詳周有天下裂土田而瓜分之設五等邦羣后布履星羅四

周于天下輪運而輻集合爲朝覲會同離爲守臣扞城然而降于夷王害禮傷尊下堂而迎覲者歷于宣王挾中興復古之德雄南征北伐之威卒不能定魯侯之嗣陵夷迄於幽厲王室東徙而自列爲諸侯厥後問鼎之輕重者有之躬主中肩者有之伐凡伯誅萇弘者有之天下垂盪無君君之心余以爲周之喪久矣徒建空名於公侯之上耳得非諸侯之盛強未大不掉之咎歟遂判爲十二合爲七國威分于陪臣之邦國殄於後封之秦則周之敗端其在乎此矣秦有天下裂都會而爲之郡邑廢侯衛而爲之守宰據天下之雄圖都六合之上游攝制四海運於掌握之內此其所以爲得也不數載而天下大壞其有由矣亟役

萬人暴其威刑竭其貨賄負鋤梃誦戍之徒園視而合從
大呼而成羣時則有叛人而無叛吏人怨于下而吏畏于
上天下相合殺守劫令而並起咎在人怨非郡邑之制失
也漢有天下矯秦之枉徇周之制剖海內而立宗子封功
臣數年之間奔命扶傷而不暇困平城病流矢陵遲不救
者三代後乃謀臣獻畫而離削自守矣然而封建之始郡
國居半時則有叛國而無叛郡秦制之得亦以明矣繼漢
而帝者雖百代可知也唐興制州邑立守宰此其所以爲
宜也然猶桀猾時起虐害方域者失不在於州而在於兵
時則有叛將而無叛州州縣之設固不可革也或者曰封
建者必私其土子其人適其俗修其理施化易也守宰者

苟其心思遷其秩而已何能理乎余又非之周之事跡斷
可見矣列侯驕為黷貨事戎大凡亂國多理國寡侯伯不
得變其政天子不得變其君私土子人者百不有一失在
於制不在於政周事然也秦之事跡亦斷可見矣有理人
之制而不委郡邑是矣有理人之臣而不使守宰是矣郡
邑不得正其制守宰不得行其理酷刑苦役而萬人側目
失在於政不在於制秦事然也漢興天子之政行於郡不
行於國制其守宰不制其侯王侯王雖亂不可變也國人
雖病不可除也及夫大逆不道然後掩捕而遷之勒兵而
夷之耳大逆未彰姦利浚財怙勢作威大刻于民者無如
之何及夫郡邑可謂理且安矣何以言之且漢知孟舒於

田叔得魏尚於馮異聞黃霸之明審覩汲黯之簡靖拜之
可也復其位可也卧而委之以輯一方可也有罪得以黜
有能得以賞朝拜而不道夕斥之矣夕受而不法朝斥之
矣設使漢室盡城邑而侯王之縱令其亂人戚之而已孟
舒魏尚之術莫得而施黃霸汲黯之化莫得而行明譴而
導之拜受而退已違矣下令而削之締交合從之謀周於
同列則相顧裂眦勃然而起幸而不起則削其半削其半
民猶瘁矣苟若舉而移之以全其人乎漢事然也今國家
盡制郡邑連置守宰其不可變也固矣善制兵謹擇守則
理平矣或者又曰夏商周漢封建而延秦郡邑而促尤非
所謂知理者也魏之承漢也封爵猶建晉之承魏也因循

不革而二姓陵替不聞延祚今矯而變之垂二百祀大業
彌固何繫於諸侯哉或者又以為殷周聖主也而不革其
制固不當復議也是大不然夫殷周之不革者是不得已
也蓋以諸侯歸殷者三千焉資以禮樂湯不得而廢歸周
者八百焉資以勝殷武王不得而具復之以為安仍之以
為俗湯武之所不得已也夫不得已非公之大者也私其
力於已也私其衛於子孫也秦之所以革之者其為制公
之大者也其情私也私其一己之威也私其盡臣畜於我
也然而公天下之端自秦始夫天下之道理安斯得人者
也使賢者居上不肖者居下而後可以理安今夫封建者
繼世而理繼世而理者上果賢乎下果不肖乎則生人之

理亂未可知也將欲利其社稷以一其人之視聽則又有世大夫世食祿色以盡其封略聖賢生于其時亦無以立於天下封建者為之也豈聖人之制使至於是乎吾固曰非聖人之意也勢也

四維論

管子以禮義廉耻為四維吾疑非管子之言也彼所謂廉者曰不蔽惡也世人之命廉者曰不苟得也所謂耻者曰不從枉也世人之命耻者曰羞為非也然則二者果義歟非歟吾見其有二維未見其所以為四也夫不蔽惡者豈不以蔽惡為不義而去之乎夫不苟得者豈不以苟得為不義而不為乎雖不從枉與羞為非皆然然則廉與耻義

之小節也不得與義抗而為維聖人之所以立天下曰仁義仁主恩義主斷因者親之斷者宜之而理道畢矣蹈之斯為道得之斯為德履之斯為禮誠之斯為信皆由其所之而異名今管子所以為維者殆非聖人之所立乎又曰一維絕則傾二維絕則危三維絕則覆四維絕則滅若義之絕則廉與耻其果存乎廉與耻存則義果絕乎人既蔽惡矣苟得矣從枉矣為非而無羞矣則義果存乎使管子庸人也則為此言管子而少知理道則四維者非管子之言也

天爵論

柳子曰仁義忠信先儒名以為天爵未之盡也夫天之貴

斯人也則付剛健純粹於其躬倬爲至靈大者聖神其次
賢能所謂貴也剛健之氣鍾於人也爲志得之者運行而
可大悠久而不息拳拳於得善孜孜於嗜學則志者其一
端耳純粹之氣注於人也爲明得之者爽達而先覺鑒照
而無隱眈眈辯於獨見淵淵於默識則明者又其一端耳
明離爲天之用恒久爲天之道舉斯二者人倫之要盡是
焉故善言天爵者不必在道德忠信明與志而已矣道德
之於人猶陰陽之於天也仁義忠信猶春夏秋冬夏也舉明
離之用運恒久之道所以成四時而行陰陽也宣無隱之
明著不息之志所以備四美而富道德也故人有好學不
倦而迷其道撓其志者明之不至耳有照物無遺而蕩其

性脫其守者志之不至耳明以鑒之志以取之役用其道
德之本舒布其五常之質克之而彌六合播之而奮百代
聖賢之事也然則聖賢之異愚也職此而已使仲尼之志
之明可得而奪則庸夫矣授之於庸夫則仲尼矣若乃明
之遠邇志之恒久庸非天爵之有級哉故聖人曰敏以求
之明之謂也爲之不厭志之謂也道德與五常存乎人者
也克明而有常受於天者也嗚呼後之學者盡力於所及
焉或曰子所謂天付之者若開府庫焉量而與之耶曰否
其各合乎氣者也莊周言天曰自然善取之

守道論

或問曰守道不如守官何如對曰是非聖人之言傳之者

誤也官也者道之器也離之非也未有守官而失道守道而失官之事者是固非聖人言乃傳之者誤也夫皮冠者是虞人之物也物者道之準也守其物由其準而後其道存焉苟舍之是失道也凡聖人之所以爲經紀爲名物無非道者命之曰官官是以行吾道云爾是故立之君臣官府衣裳圍馬章綬之數會朝表著周旋行列之等是道之所存也則又示之典命書制符璽奏復之文參伍殷輔陪臺之役是道之所由也則又勸之以爵祿慶賞之美懲之以黜逐鞭朴梏牽斬殺之慘是道之所行也故自天子至于庶民咸守其經分而無有失道者和之至也失其物去其準以從而喪矣易其小者而大者亦從而喪矣古者居

其位思死其官可易而失之哉禮記曰道合則服從不可則去孟子曰有官守者不得其職則去然則失其道而居其官者古之人不與也是故在上不爲抗在下不爲損矣人者不爲不仁函人者不爲仁率其職司其局交相致以全其工也易位而處各安其分而道達於天下也且夫官所以行道也而曰守道不如守官蓋亦喪其本矣未有守官而失道守道而失官之事者也是非聖人之言傳之者誤也果矣

時令論上

呂氏春秋十二紀漢儒論以爲月令措諸禮以爲大法焉其言有十二月七十有二候迎日步氣以追寒暑之序類

其物宜而逆爲之備聖人之作也然而聖人之道不窮異以爲神不引天以爲高利於人備於事如斯而已矣觀月令之說苟以合五事配五行而施其政令離聖人之道不亦遠乎凡政令之作有俟時而行之者有不俟時而行之者是故孟春修封疆端徑術音遂相土宜無聚大衆季春利堤防達溝瀆止田獵備蠶器合牛馬百工無悖於時孟夏無起土功無發大衆勸農勉人仲夏班馬政聚百藥季夏行水殺草糞田疇美土疆土功兵事不作孟秋納材葦仲秋勸人種麥季秋休百工人皆入室具衣裳舉五穀之要合秩芻養犧牲趨人收斂務蓄菜伐薪爲炭孟冬築城郭穿竇窖修囷倉謹蓋藏勞農以休息之收水澤之賦仲冬

伐木取竹箭季父講武習射御出五穀種計耦耕具田器令諸侯制百縣輕重之法貢賦之數斯固俟時而行之所謂敬授人時者也其餘郊廟百祀亦古之遺典不可以廢誠使古之爲政者非春無以布德和令行慶施惠養幼少省囹圄賜貧窮禮賢者非夏無以贊傑俊遂賢良舉長大行爵出祿斷薄刑決小罪節嗜慾靜百官非秋無以選士勵兵任有功誅暴慢明好惡脩法制養衰老申嚴百刑斬殺必當非冬無以賞死事恤孤寡舉阿黨易關市來商旅審門閭正貴戚近習罷官之無事者去器之無用者則其闕政亦以繁矣斯固不俟時而行之者也變天之道絕地之理亂人之紀舍孟春則可以有事乎作淫巧以蕩上心

舍季春則可以爲之者乎夫如是內不可以納於君心外不可以施於人事勿書之可也又曰反時令則有飄風暴雨霜雪水潦大旱沈陰氛霧寒暖之氣大疫風效執積噎瘡寒疥癩之疾螟蝗五穀瓜瓠果實不成蓬蒿藜莠並興之異女災胎夭傷水火之訛寇戎來入相掠兵革並起道路不通邊境不寧土地分裂四鄰入堡流亡遷徙之變若是者特管史之語非出於聖人者也然則夏后周公之典逸矣

時令論下

或者曰月令之所作以爲君人者法也蓋非爲聰明睿智者爲之將慮後代有昏昧傲誕而肆于上忽先王之典

舉而廢之近而取之若陳隋之季是也故取仁義禮智信之事附于時令俾時至而有以發之也不爲之將因循放蕩而皆無其意焉爾於是又爲之言五行之反戾相蕩相摩妖災之說以震動于厥心古之所以防昏亂之術也今手發而揚之使前人之奧秘布露顯明則後之人而又何憚耶曰聖人之爲教立中道以示于後曰仁曰義曰禮曰智曰信謂之五常言可以常行者也防昏亂之術爲之勤勤然書於方冊興亡治亂之攷永守是而不去也未聞其威之以怪而使之時而爲善所以滋其怠傲而忘理也語怪而威之所以熾其昏邪淫惑而爲禱讓厭勝鬼怪之事以大亂士人也且吾子以爲畏冊書之多孰與畏人之言

使悞學者言仁義利害焯乎列于其前而猶不悟奚暇顧
月令哉是故聖人爲大經以存其直道將以遺後世之君
臣必言其中正而去其奇袤與邪其有巽然而不顧者雖
聖人復生無知之何又何冊書之有若陳隋之季暴戾淫
放則無不爲矣求之二史豈復有行月令之事者乎然而
其臣有勁悍者爭而與之言先王之道猶十百而一遂焉
然則月令之無益於陳隋亦固矣立大中去太或捨是而
曰聖人之道吾未信也用吾子之說罪我者雖窮萬世吾
無憾焉爾

斷刑論上闕

斷刑論下

余旣爲斷刑論或者以釋刑復於余其辭云云余不得已
而爲之一言焉夫聖人之爲賞罰者非他所以懲勸者也
賞務速而後有勸罰務速而後有懲必曰賞以春夏而刑
以秋冬而謂之至理者僞也使秋爲善者必俟春夏而後
賞則爲善者必怠春爲不善者必俟秋冬而後罰則爲不
善者必懈爲善者怠爲不善者懈是毆天下之人而入於
罪也毆天下之人入於罪又緩而慢之以滋其懈怠此刑
所以不措也必使爲善者不越月踰時而得其賞則人勇
而有勸焉爲不善者不越月踰時而得其罰則人懼而有
懲焉爲善者日以有勸爲不善者日以有懲是毆天下之
人而從善遠罪也毆天下之人而從善遠罪是刑之所以

措而化之所以成也或者務言天而不言人是惑於道者也胡不謀之人心以熟吾道吾道之盡而人化乎是知蒼蒼者焉能與吾事而暇知之哉果以爲天時之可得順大和之可得致則全吾道而得之矣全吾道而不濟者非所謂天也非所謂大和也是亦必無而已矣又何必狂吾之道曲順其時以諂是物哉吾固知順時之得天不如順人順道之得天也何也使犯死者自春而窮其辭欲死不可得貫三木加連鎖而致之獄更大暑者數月痒不得搔痺不得搖痛不得摩飢不得時而食渴不得時而飲目不得瞑支不得舒然號之聲聞於里人如是而大和之不傷天時之不逆是亦必無而已矣彼其所宜得者死而已也又

若是焉何哉或者乃以爲雪霜者天之經也雷霆者天之權也非常之罪不時可以殺人之權也當刑者必順時而殺人之經也是又不然夫雷霆雪霜者特一氣耳非有心於物者也聖人有心於物者也春夏之有雷霆也或發而震破巨石裂大木木石豈爲非常之罪也哉秋冬之有霜雪也舉草木而殘之草木豈有非常之罪也哉彼豈有懲於物也哉彼無所懲則效之者惑也果以爲仁必知經智必知權是又未盡於經權之道也何也經也者常也權也者達經者也皆仁智之事也離之滋惑矣經非權則泥權非經則悖是二者強名也曰當斯盡之矣當也者大中之道也離而爲名大中之器用也知經而不知權不知經者

也知權而不知經不知權者也偏知而謂之智不智者也
偏守而謂之仁不仁者也知經者不以異物害吾道知權
者不以常人怫吾慮合之於一而不疑者信于道而已者
也且古之所以言天者蓋以愚蚩蚩者耳非爲聰明睿智
者設也或者之未達不思之甚也

辨侵伐論

春秋之說曰凡師有鐘鼓曰伐無曰侵周禮大司馬九伐
之法曰賊賢害人則伐之負固不服則侵之然則所謂伐
之者聲其惡於天下也聲其惡於天下必有以厭于天下
之心夫然後得行焉古之守臣有腹節人之財危人之生
而又害賢人者內必棄於其人外必棄於諸侯從而後加

伐焉動必克矣然猶校德而後舉量力而後會備三有餘
而以用其人一曰義有餘二曰人力有餘三曰貨食有餘
是三者大備則又立其禮正其名脩其辭其害物也小則
誥誓徵令不過其隣雖大不出所暴非有逆天地橫四海
者不以動天下之師故師不踰時而功成焉斯爲人之舉
也故公之公之而鍾鼓作焉夫所謂侵之者獨以其負固
不服而壅王命也內以保其人外不犯於諸侯其過惡不
足暴於天下致文告修文德而又不變然後以師問焉是
爲制命之舉非爲人之舉也故私之私之故鍾鼓不作斯
聖人之所志也周道旣壞兵車之軌交於天下而罕知侵
伐之端焉是故以無道而正無道者有之以無道而正有

道者有之不增德而以遂威者又有之故世日亂一變而至於戰國而生人耗矣是以有其力無其財君子不以動衆有其力有其財無其義君子不以帥師合是三者而明其公私之說而後可焉嗚呼後之用師者有能觀其侵伐之論則善矣

六逆論

春秋左氏言衛州吁之事因載六逆之說曰賤妨貴少陵長遠間親新聞舊小加大淫破義六者亂之本也余謂少陵長小加大淫破義是三者固誠爲亂矣然其所謂賤妨貴遠間親新聞舊雖爲理之本可也何必曰亂夫所謂賤妨貴者蓋斥言擇嗣之道予以母貴者也若貴而愚賤而

聖且賢以是而妨之其爲理本大矣而可捨之以從斯言乎此其不可固也夫所謂遠間親新聞舊者蓋言任用者之道也使親而舊者愚遠而新者聖且賢以是而間之其爲理本亦大矣又可捨之以從斯言乎必從斯言而亂天下謂之師古訓可乎此又不可者也嗚呼是三者擇君置臣之事天下理亂之本也爲書者執斯言者一定之論以遺後以上智之人固不惑于是自中人而降守以爲大據而以致賤亂者固不乏焉晉厲死而悼公入乃理宋襄嗣而子魚退乃亂貴不足尚也秦用張祿而黜穰侯乃安魏相成璜而疎吳起乃危親不足與也符氏進王猛而殺樊世乃興胡亥任趙高而族李斯乃滅舊不足恃也顧所信

可如耳然則斯言殆可以廢矣噫古之言理者罕能盡其
說建一言立一辭則輒飢而不安謂之是可也謂之非亦
可也混然而已教於後世莫知其所以去就明者慨然將
定其是非則拘儒瞽生相與羣而咻之以爲狂爲怪而欲
世之多有知者可乎夫中人可以及化者天下爲不少矣
然而罕有知聖人之道則固爲書者之罪也

柳文卷之三終

卷之七